



## Kapsul diabetes diiktiraf terbaik

DR Daing Nasir (tengah) melihat kapsul penawar diabetes yang dihasilkan Hui Ni (dua dari kanan).

HARIAN METRO (SEMESTER) 10/3/2016 m/s 50

**Kuantan:** Kapsul penawar diabetes daripada pokok misai kucing dihasilkan menobatkan penuntut tahun tiga Universiti Malaysia Pa-hang (UMP), Seah Hui Ni, 23, sebagai penerima anugerah 'Best of the Best' kategori pelajar.

Kejayaan itu diraih pada Expo Rekacipta, Inovasi, Teknologi dan Penyelidikan (CITREX) 2016 sempena Ha-ri Terbuka UMP di kampus Gambang, di sini, kelmarin.

Program tiga hari itu di-sertai lebih 300 penyelidik terdiri daripada penuntut dan pensyarah UMP pelba-gai fakulti yang menghasil-kan produk baru ciptaan mereka.

Majlis penutupan dan pe-nyampaian hadiah kepada pemenang disempurnakan Naib Canselor UMP, Prof Da-

tuk Dr Daing Nasir Ibrahim.

Hui Ni yang juga penuntut Fakulti Kejuruteraan Kimia dan Sumber Asli berkata, projek bertajuk 'Pheno-lie-Rich Microcapsule From Orthosiphon Stamineus' di-hasilkan bertujuan mem-bantu pesakit diabetes atau kencing manis.

Katanya, bahan asas iaitu pokok misai kucing yang melalui beberapa proses menghasilkan kapsul tanpa memerlukan kos tinggi hing-ga membebankan pesakit.

"Saya berpuas hati usaha dilakukan beberapa bulan membuatkan hasil begitu memuaskan."

"Produk dihasilkan ini akan dikomersialkan dalam masa terdekat terutama se-lepas saya menandatangani perjanjian dengan syarikat Cosway yang akan mema-

sarkan kapsul itu," katanya yang turut meraih pingat emas pada pertandingan itu.

Menurutnya, kajian dila-kukan mendapati ramai masyarakat di negara ini menghidap kencing manis dan kapsul dihasilkan di-harap membantu menyem-buhkan mereka.

Sementara itu, Dr Daing Nasir berkata, CITREX 2016 memasuki tahun keempat pengajuran menyaksikan pengembangan skop dengan membuka penyertaan kepada sekolah menengah sebagai tambahan kategori sedia ada.

"Program ini diharap menjadi landasan terbaik kepada pelajar dan pensya-rah UMP menghasilkan pro-duk ciptaan mereka sete-rusnya layak bersaing di pentas antarabangsa," kata-nya.